



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

P. Abbati Praemonstrat. & ceteris ejusdem ordinis Abbatibus.

urn:nbn:de:hbz:466:1-20006

ad verbum facultatem, excepto quod ubi superius dictum est canonicare, hic dicitur sine fratrum assensu monachare; & cum antiqua sit ipsius Ecclesiae &c. usque in finem ut supra. Nullis literis &c. ut supra. Datum &c. v. Kalend. Iunij.

ABBATI ET FRATRIBVS
Præmonstratensibus.

VSque adeo nos & prædecessores nostros flagrans religionis vestrae fama resperit, ut odore sinceræ opinionis vestrae in Domino delectati, super his quæ à vobis in communi Abbatum vestri ordinis Capitulo statuuntur, nisi vel honori nostro vel iustitiæ apertius obviant, nullatenus dubitemus quin ad ea fecundum Deum & statuta vestra rectè ac rationabiliter procedatis. Sanè cum prædecessores nostri Romani Pontifices ordini vestro privilegium indulserint speciale & speciali semper gratia vos fuerint profecti, in his quæ ad correctionem fratrum vestrorum pertinent vos non intendimus aggravare quominus in delinquentes exerceatis liberè canonicam disciplinam. Præsentatæ siquidem nobis fuerunt ex parte vestra binæ literæ, à sede apostolica diversis temporibus impetratæ: in quarum primis bonæ memoriæ Celestinus Papa prædecessor noster sententiam quam in Balduinum & Hugonem ejus socium tuleratis ratam habens & volens inviolabiliter observari, vobis mandabat ut neutrum eorum admitteretis ad consortium vestrum, præter mandatum sedis apostolicæ speciale, nisi forsitan in tantum ad vos in corde contrito & spiritu humiliato accederent, quod eorum postulatio vobis videretur misericorditer admittenda. In aliis verò universitati vestrae mandavit ut memoratum Balduinum, nulla facta mentione de ordinis disciplina, in vestrum consortium admittere nullatenus differretis. Quia verò (sicut vestrae literæ continebant) in ejectione prædictorum B. & H. & fautorum eorum exulavit à vobis scandalum, & pax inter vos & concordia plena regnavit, ne ex receptione talium concordia vestra turbetur, quid de his vel aliis quos secundum statuta vestri ordinis à vestro consortio amovistis, vel duxeritis in posterum amovendos, statuendum fuerit, vestrae discretionis relinquimus; ne per nos rigor vestri ordinis erretur. Ad hæc, vobis auctoritate aposto-

lica indulgemus, ut si pro receptione aliqujus, qui à vobis ejectus fuerit, literas vobis apostolicas duxerimus destinandas, eum nullatenus recipere teneamini, nisi literis nostris expressum fuerit, salva ordinis disciplina. Datum &c. ut supra, v. Idus Maij.

P. ABBATI PRÆMONSTRAT.
& ejusdem ordinis Abbatibus.

Quæ in favorem religionis ad subtrahendam dissolutionis materiam sunt providè instituta, firma debent & illibata servari, & ne infringi valeant, apostolico præsidio communiti. Significasti siquidem nobis quod communi consilio Abbatum vestri ordinis statuistis quod nullus Abbatum vestrorum mitra vel chirothecis utatur, ne forsan ex ipsis supercilium elationis assumat, aut sibi videatur sublimis, cum his uti se viderit quæ Pontificibus & majoribus Ecclesiarum Prælati à sede apostolica sunt concessa. Nos igitur institutionem ipsam, sicut à vobis providè facta est & recepta, auctoritate apostolica confirmamus, & præsentis scripti pagina communimus; statuentes ut si qua forsan Ecclesia laxioris ordinis vestram voluerit regulam profiteri, hujusmodi pontificalibus, etiam si ea prius habuerit, ulterius non utatur, immo potius humilitatem servet, & in ea statuta vestri ordinis imitetur. Præfenti quoque institutioni adjicimus quod nullus fratrum vestrorum ad apostolicam sedem accedens, vel recedens ab ipsa, vel aliàs, incedat in habitu seculari, nisi evidens hoc necessitas postularit. Inhibemus præterea ne quis contra statuta generalis Capituli, sive in habitu, sive in uniformitate officij, seu etiam in temporalibus, temerè venire præsumat. quod si quis præsumperit, regulariter puniatur. Nec aliquis assumat honorem, ad quem fuerit forsan electus, sine licentia vel præcepto illius cui obedire tenetur, nisi fortè ipse sibi eam malitiosè præsumperit denegare, ut tandem pro licentia obtinenda majori liceat supplicari. Nulli ergo &c. Datum &c. v. Idus Maij.

P. ABBATI PRÆMONSTRAT.
& ceteris ejusdem ordinis Abbatibus.

CVm à nobis petitur &c. usque ad verbum effectu. Significasti siquidem nobis quod ad implendum illud apostolicum *Ab omni specie mala abstinere*

O ij

Epist. 196.
Vt disciplina
monastica ob-
servetur, &
quod Pontifex
cum non velit
curbare.

Epist. 197.
Confirmatur
constitutio,
quod Præmon-
stratenses non
debeant uti in-
tra & chiro-
thecis.

Epist. 198.
Confirmatur
constitutio
quod Præmon-
stratenses con-

veritas recipere
non teneantur,
nec bona sua
alienare possunt.

vos, ad reprimendum osloquentium iniqua, qui detractionibus gloriantur, & opinionem justorum nituntur multipliciter infamare, olim in communi Capitulo statuistis, & postmodum sub interminatione gravis pœnæ sæpius innovastis, ut nullam de cetero in sororem recipere teneamini, vel conversam, præsertim cum ex hoc aliquando incommoda fueritis multa perpeffi. Nos igitur institutionem ipsam, sicut de communi consilio Abbatum ad commune Capitulum convenientium providè facta fuit, auctoritate apostolica confirmamus, & præsentis scripti pagina communimus. Ad hæc adjicimus, ne aliquis Abbas vel Conventus possessiones Ecclesiarum vestri ordinis præter assensum generalis Capituli vendere audeat, vel sine patris Abbatis licentia commutare. Nulli ergo &c. Datum &c. 111. Idus Maij.

DECANO, CANTORI,
& magistro P. Canonico. Remen.

Epist. 199.
Vt ablatum
contumeliosè
equum Abbati
restitui curent.

Significaverunt nobis dilecti filij Abbas & fratres Præmonstraten. quòd cum dilectus filius Hugo de Petraponte Archidiaconus Laudun. in promotione ipsius Abbatis palefridum ab eo obtentu cujusdam prave consuetudinis exegisset, quia super hoc ei acquiescere recusavit, conversum quendam ipsius de equitatura, cui insedebat, deponere, & eam secum abducere per violentiam non expavit. Vnde nos eidem Archidiacono per literas nostras mandavimus ut similia de cetero non præsumat, immo de hoc ipso eidem Abbati satisfactionem exhibeat competentem. Ideòque discretioni vestræ per apostolica scripta mandamus quatenus, si dictus Archidiaconus ea quæ præmissa sunt adimplere noluerit, tam eum quàm alios, qui pro benedicendis, installandis, vel deducendis ad sedem tam Abbatibus quàm aliis ecclesiasticis personis palefridum vel aliud exigere vel extorquere præsumpserint in posterum vel hætenus præsumpserunt, nisi ad commonitionem vestram à sua præsumptione destiterint, & de perceptis taliter satisfecerint competenter, excommunicationis censura appellatione postposita percellatis, & sicut excommunicatos faciatis ab omnibus arctibus evitari. Quòd si omnes, duo vestrum &c. Datum Romæ &c. 1 v. Idus Maij.

Scriptum est autem ipsi Archidiacono super hoc.

VNIVERSIS ARCHIEPISCOPIS
& Episcopis, in quorum parochiis grangiæ Præmonstraten. ordinis sitæ sunt.

SI veri Christianæ religionis amatores & cultores essetis, religiosis viris in personis vel rebus nullam molestiam inferretis, quorum potiùs tenemini gravaminibus obviare. Verùm conquerentibus dilectis filiis Abbate & fratribus ordinis Præmonstraten. nostris est auribus intimatum, quòd licet in eorum privilegiis inhibuit sit expressè, ne quis Archiepiscopus vel Episcopus, nisi in manifesta necessitate, in eorum grangiis hospitetur, quidam vestrum in singulis grangiis eorundem fratrum in suis diocesibus constitutis procuraciones exigunt annuatim: quæ si eis aliquando fortè negantur, ministri eorum de animalibus eorundem fratrum prædas violentè abducunt, quas vel pignori obligant, vel alienant omnino; nec fratribus ipsis restitunt, donec pro requisita procuracione certa pecunia persolvatur: qui ut avaritiam suam & exactiorem excusent, frivolas exigendæ procuracionis causas assignant; vel quòd in grangiis ipsis decimæ colligantur; vel quòd Canonici qui parochialem Ecclesiam in vicinis locis obtinere noscuntur, aliquando commorantur in grangiis; vel quòd in eis claustrum sororum habetur; quæ potiùs ex accessu vestro materiam dissolutionis accipiunt, dum confabulantur cum Clericis, & per officinas discurrunt, quàm doctrinam recipiant salutarem. Quia verò causæ hujusmodi frivolæ sunt, nec earum occasione fratres ipsos in exhibendis procuracionibus credimus esse cogendos; fraternitati vestræ per apostolica scripta mandamus, & districtè præcipimus, quatenus fratres ipsos contra indultam sibi à sede apostolica libertatem nec in prædictis nec in aliis aggravetis, nec exactiones aliquas ipsis imponere præsumatis. Alioquin non poterimus sub dissimulatione transire quin eorum indemnitati contra exactiões vestras paterna sollicitudine consulamus. Datum Romæ &c. ut supra.

Epist. 200.
Ne procuraciones
contra apostolica privilegia
Præmonstraten. tenentes graventur.

